



**Baldvini Cabilliavi E Soc. Iesv Magdalena**

**Cabilliau, Baudouin**

**Antwerpen, 1625**

Elegia VI. Timor diuinus Magdalenam periculis septum eripi rogat.

---

[urn:nbn:de:hbz:466:1-70461](https://nbn-resolving.org/urn:nbn:de:hbz:466:1-70461)

Dilue, monstrificasque feras erade seuerum  
 Ad speculum: castis flumina funde genis.  
 Scilicet est aliquid puro sibi quærere fieri  
 Balnea, dum Stygio vita stat hausta luto.  
 Forsitan extinguet calidis mors Magdalin undis;  
 Sed fœdam, vt niueis viua resurgat aquis.  
 Tunc demum poteris puris innectere labris  
 Oscula, vt innectas vincula casta Deo.  
 Sic alium ex alio mens induet altera vultum;  
 Et tibi te reddet, qui benè perdit, Amor.  
 Hæc inter docili crystallo consule vultum,  
 Et dic: Par fragili forma stat ista vitro.  
 Nil mihi cum speculo, speculique fugace figurâ:  
 Mox speculum è lacrymis stabo perenne meis.

## ELEGIA VI.

*Timor diuinus MAGDALENAM periculis septam eripi rogat.*

**M**AGDALA myrtigenâ vultum dum fingit  
 in vmbra,  
 Prætexit speculo retia cæcus Amor.  
 En tacitæ serpunt captiuo in corde catenæ,  
 Quas ferit infidâ Cypris amica manu.  
 Nectitur, & nescit, sidens in compede leti  
 Magdalis, anguineis pectora capta dolis.  
 Nunc erat infestis ferus hostis vt occupet armis  
 Magdalin, aut blandis induat ille plagis.  
 Iamq; hiat in morsum rabido tigris asperarietu,  
 Et falcem allidit mors violenta suam:  
 Ac vastam labes dirumpit hiulca Charybdim:  
 Oscitat ad Stygias ianua panda domos:

Le.



Letæusque latex imo prorumpit Auerno,  
 Quem nigra Cerbereis spuma venenat aquis:  
 Quaque ruit ripâ Phlegethontide liuidus amnis,  
 Alluit, & lambit flamma proterua pedes:  
 Sollicitumque latus tacito fax ambedit igni:  
 Illa tamen mediis hæret inuſta rogis.  
 Vincla manu, fert vincla comis, fert vincula collo  
 Magdala, & ipſa merum iam ſibi rete iacet:  
 Prædaque iciunis occurrit idonea monſtris,  
 Irritatque truces in ſua damna feras.  
 Ah! perit ah! ſæuis obnoxia Nympha periclis,  
 Mille petita dolis, mille voranda lupis.  
 Ergon' in horrendos nunc Magdalis ibit hiatus  
 Monſtriparæ lernæ, flammiuomofque ſpecus?  
 Tun' ſinis hæc, ô vna Salus, Menſq; arbitra rerû,  
 Aurea qui torques aſtra potente manu?  
 Ergo triumphato ſpolium tam nobile Cælo,  
 Detrahet in Stygias victor Auernus aquas?

## ELEGIA VII.

MAGDALENA *fulmine tacta ad Siloën  
 ſacrum fontem confugit.*

**H**AS vbi ſollicito Timor occinit ore querelas,  
 Et ſupplex auidas voluit ad aſtra preces:  
 Ilicet ab læuâ dextrum Deus annuit omen;  
 Intonat ardentem ad ſua bella minas.  
 Denſa coit nubes, crebris micat ignibus æther,  
 Horrificumque Polus mugit in excidium.  
 Sylua tremat, tremat æthra, ſolum tremat, adtre-  
 mit Orcus,  
 Cypris, & in trepidâ Cypride Diua tremat.

Ecce